




Republika e Kosovës
Republika Kosova – Republic of Kosovo

ORGANI SHQYRTUES I PROKURIMIT
TELO ZA RAZMATRANJE NABAVKE
PROCUREMENT REVIEW BODY



PSH. nr. 15/17

Në bazë të nenit 105 pika 1 dhe 2 si dhe nenit 106 të Ligjit për Prokurim Publik të Kosovës nr. 04/L-042, i plotësuar dhe ndryshuar me Ligjin 04/L-237, i plotësuar dhe ndryshuar me Ligjin 05/ L-068, i plotësuar dhe ndryshuar me Ligjin 05/ L-092, si dhe nenit 97.1 të Ligjit për Procedurë Administrative Nr. 02/L-28, duke vendosur sipas ankesës së parashtruar nga OE “N. T Rahovica & NPSH Bageri”- Ferizaj, lidhur me aktivitetin e prokurimit: “**Asfaltimi i rrugës “Hamëz Jashari”- Kaçanik 2, 284. 21m**”, me nr. të prokurimit: MI 016/110/511, të shpallur nga autoriteti kontraktues- Ministria e Infrastrukturës (MI), Kryetari i OSHP-së **Z. Blerim Dina**, më datën 07 shkurt 2017, nxori këtë:

V E N D I M

- I. **HEDHET**, poshtë si paafatëshme ankesa e OE “N. T Rahovica & NPSH Bageri”- Ferizaj, me nr. të prot. 15/17, e datës 18 janar 2017, lidhur me aktivitetin e prokurimit: “**Asfaltimi i rrugës “Hamëz Jashari”- Kaçanik 2, 284. 21m**”, me nr. të prokurimit: MI 016/110/511, të shpallur nga autoriteti kontraktues- Ministria e Infrastrukturës (MI), pasi që e njëjta është parashtruar jashtë afatit ligjor ne AK.
- II. **I LEJOHET**, autoritetit kontraktues- Ministria e Infrastrukturës (MI) që të vazhdoj më tutje me procedurat e prokurimit lidhur me aktivitetin e prokurimit: “**Asfaltimi i rrugës “Hamëz Jashari”- Kaçanik 2, 284. 21m**”, me nr. të prokurimit: MI 016/110/511.

- III. Operatorit ekonomik ankues i kthehet tarifa e sigurimit të ankesës, në vlerën e depouar me rastin e parashtrimin të ankesës.
- IV. **Obligohet**, OE ankues që konform nenit 36 pika 5 e Rregullores të Punës së OSHP-së, në afat prej gjashtëdhjetë (60) ditësh të bëjë kërkesë për kthim të sigurimit të ankesës, në të kundërtën iu bëhet konfiskimi i depozitës, dhe këto mjete kalojnë në Buxhetin e Republikës së Kosovës.

A r s y e t i m

Operatori ekonomik “N. T Rahovica & NPSH Bageri”- Ferizaj, ka aplikuar si pjesëmarrës në aktivitetin e prokurimit: **“Asfaltimi i rrugës “Hamëz Jashari”- Kaçanik 2, 284. 21m”**, me nr. të prokurimit: MI 016/110/511, të shpallur nga autoriteti kontraktues-Ministria e Infrastrukturës (MI).

Me datën 23 dhjetor 2016, autoriteti kontraktues, përmes email-it e ka njoftuar operatorin ekonomik me letrën standarde për tenderuesin e pasuksesshëm.

Operatori ekonomik ankues “N. T Rahovica & NPSH Bageri”- Ferizaj, me datën 23 dhjetor 2016, ka dorëzuar kërkesën për qasje në dokumente në AK-- MI, lidhur me aktivitetin e prokurimit: **“Asfaltimi i rrugës “Hamëz Jashari”- Kaçanik 2, 284. 21m”**, me nr. të prokurimit: MI 016/110/511, ndërkaj AK- MI, të njëjtëve iu ka dhënë qasje në dokumentacion me datën 28 dhjetor 2016. OE ankues “N. T Rahovica & NPSH Bageri”- Ferizaj me datën 29 dhjetor 2016, ka bërë ankesë (kërkesë për rishqyrtim) në AK- MI. Me datën 10 janar 2017, autoriteti kontraktues me vendim ka refuzuar kërkesën për rishqyrtim të OE ankues.

Me datën 18 janar 2017, OSHP ka pranuar ankesën e OE ankues “N. T Rahovica & NPSH Bageri”- Ferizaj.

Pas verifikimit dhe analizimit të të gjitha shkresave të lëndës Organi Shqyrtues i Prokurimit, konstaton se kërkesa për rishqyrtim në autoritet kontraktues nga OE ankues është parashtruar jashtë afatit ligjor për faktin se OE ankues është njoftuar me letrën standarde me

datën **23 dhjetor 2016**, ku në po të njëjtën ditë 23 dhjetor 2016 OE ankues ka kërkuar qasje në dokumente. Qasja në dokumentacion i është lejuar operatorit ekonomik me datën 28 dhjetor 2016, në ditën e pestë pas njoftimit me letrën standarde. Kërkesa për rishqyrtim nga OE ankues është parashtruar me datën **29 dhjetor 2016**, duke kaluar kështu afatin **pesë (5)** ditor për paraqitje të kërkesës për rishqyrtim.

Sipas nenit 4.1 të *Rregullave për paraqitje të kërkesës për rishqyrtim pranë Autoriteteve Kontraktuese, parashtrim të ankesave pranë OSHP dhe vlera e tarifave të ankesave*, kërkesa për rishqyrtim duhet të paraqitet me shkrim dhe duhet të dorëzohet tek autoriteti përkatës kontraktues, me postë ose me çdo mjet tjetër të komunikimit të lejuar me këtë ligj, brenda afateve të mëposhtme:

- b) *Kurdo që kërkesa për rishqyrtim ka të bëjë me vendimin për dhënie të një kontratë ose të një konkursi të projektimit brenda afatit prej pesë (5) ditëve pas datës së njoftimit për dhënien e kontratës ose njoftimit mbi rezultatet e konkursit të projektimit që i është dërguar ankuesit.*

Andaj, Kryetari i OSHP-së, duke u bazuar në faktet dhe provat e prezantuara ka konstatuar se kërkesa për rishqyrtim e dorëzuar nga OE ankues në autoritet kontraktues, ka qenë jashtë afatit ligjor, prandaj të njëjtën e hedhë poshtë si të paafatëshme.

Këshillë Juridike :

Kundër këtij konkluzioni pala e pakënaqur nuk mund të ushtron ankesë, por për kompensim dëmi në afat prej 30 ditësh, pas pranimit të këtij vendimi, mund të ngritë kërkesë-padi në Gjykatën Themelore-Departamenti për Çështje Administrative.

Vendimi i dorëzohet:

1. 1x1 AK- MI
2. 1x1 OE- 1x1 “N. T Rahovica & NPSH Bageri”
3. Arhivës së OSHP-së

